



Broj: 04-GV-04-1465/23
Sarajevo, 09.10.2023. godine

ZAPISNIK O RADU
24. SJEDNICE KOMISIJE ZA DRUGOSTEPENO
UPRAVNO RJEŠAVANJE
održane 09.10.2023. godine

Prisutni:

1. Kenan Mamić, predsjedavajući
2. Tarik Kapur, zamjenik predsjedavajućeg,
3. Sanela Halać, članica
4. Damir Beglerović, član
5. Nina Šantić, članica
6. Željko Vukša Fejzić, član
7. Amina Suljagić, članica

Sjednici iz Stručne službe za poslove Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručna službe za poslove Gradskog vijeća Grada Sarajeva

Sjednici prisustvuju:

- Arijana Musić, ispred Gradske službe za urbano planiranje, investicije, stambene i komunalne poslove
- Tarik Zečić, ispred Gradske službe za urbano planiranje, investicije, stambene i komunalne poslove

Predsjedavajući Komisije je u 15.05 sati otvorio sjednicu, pozdravio prisutne, utvrdio kvorum za rad i odlučivanje, te zaželio dobrodošlicu Aminu Suljagić novoj članici Komisije, nakon čega su se članovi Komisije ukratko predstavili.

Sjednica je započela razmatranjem i jednoglasnim usvajanjem Zapisnika o radu 23. sjednice Komisije za drugostepeno upravno rješavanje održane 11.09.2023. godine.

Na prijedlog predsjedavajućeg, jednoglasno je usvojen sljedeći **dnevni red**:

1. Nacrt Programa rada Gradskog vijeća Grada Sarajeva za 2024. godinu
2. Razmatranje Žalbe predstavnika etažnih vlasnika u ime stanara iz ul. Aleja lipa brojevi: 54,55,57 i 58 u Hrasnom
3. Tekuća pitanja

TAČKA 1.

Nacrt Programa rada Gradskog vijeća Grada Sarajeva za 2024. godinu

Uvodno izlaganje podnijela je Mirjana Đanović Stanić, rukovodilac Stručna službe za poslove Gradskog vijeća Grada Sarajeva.

Poslije uvodnog izlaganja i diskusije, te sažetka Predsjedavajućeg, Komisija za drugostepeno upravno rješavanje je jednoglasno usvojila sljedeće **zaključak**:

Komisija za drugostepeno upravno rješavanje sugeriše Gradskom vijeću Grada Sarajeva da razmatra *Nacrt Programa rada Gradskog vijeća Grada Sarajeva za 2024. godinu* kako je utvrđen i uputi ga u javnu raspravu.



TAČKA 2.

Razmatranje Žalbe predstavnika etažnih vlasnika u ime stanara iz ul. Aleja lipa brojevi: 54,55,57 i 58 u Hrasnom

Uvodno izlaganje podnio je Tarik Zečić, a pojašnjenje i odgovore na pitanja dala je Arijana Musić, ispred Gradske službe za urbano planiranje, investicije, stambene i komunalne poslove.

U diskusiji su učestvovali svi članovi Komisije za drugostepeno upravno rješavanje.

Sanela Halać, članica Komisije je u 15.40 sati napustila sjednicu zbog ranije preuzetih obaveza.

Predstavnici Službe za urbano planiranje, investicije, stambene i komunalne poslove su izjavili da nisu donijeli rješenje do dana odlučivanja o žalbi, te su u obrazloženju naveli da isto nije doneseno iz razloga što je greškom administracije predmetni zahtjev presigniran u Službu za urbano planiranje, investicije, stambene i komunalne poslove umjesto u nadležnu Službu za informisanje, kao i iz razloga što su se i sami tražni podaci nalazili na drugoj lokaciji obzirom da je riječ o dokumentaciji staroj oko 20 godina. Na kraju su naveli da su, u međuvremenu, podnosiocu zahtjeva dostavili traženu informaciju u vidu informacije a ne rješenja.

Poslije uvodnog izlaganja i diskusije, te sažetka Predsjedavajućeg, Komisija za drugostepeno upravno rješavanje je sa četiri glasa „za“ i dva glasa „protiv“, usvojila sljedeći **zaključak**:

Komisija za drugostepeno upravno rješavanje u skladu s članom 243. stav (1) Zakona o upravnom postupku F BiH usvaja žalbu i nalaže prvostepenom organu da postupi po zahtjevu i donese rješenje u roku od 15 dana u skladu sa Zakonom.

TAČKA 3.

Tekuća pitanja

Pod ovom tačkom dnevnog reda nije bilo zaključaka.

PREDSJEDAVAJUĆI KOMISIJE

Kenan Mamić, s.r.

Predsjedavajući Komisije je u 16.10 sati zaključio rad 24. sjednice Komisije za drugostepeno upravno rješavanje Gradskog vijeća Grada Sarajeva.